

A gasolina subirá este ano en Galicia un 20%, máis de seis veces o IPC

Escrito por

Mércores, 18 Agosto 2004 18:09

Os combustíbeis acumularán no conxunto do 2004 en Galicia unha suba do 20%, un incremento como para facer a todos calquera previsión. No que vai de ano, o valor de venda dos carburantes na comunidade aumentou un 15% e tanto a Confederación de Empresarios de Estacións de Servizo (CEES) como a Asociación de Vendedores de Carburantes (AEVECAR) vaticinan que as gasolinas subirán outro 5% até finais do 2004. É dicir, que a mediana anual será máis de seis veces o IPC que ten Galicia na actualidade e que se sitúa no 3,2%. Se se toman como referencia os prezos de decembro pasado se conclúe que, agora, un condutor galego necesita gastar entre cinco e sete euros máis para poder encher o seu depósito.

Ao descuberto

A escalada dos carburantes puxo de manifesto a escasa competencia de prezos que existe no mercado galego, moito máis baixa que no conxunto de España. En Galicia só se achán seis das 148 estacións de servizo que hai en todo o país en mans dos hipermercados. A mostra de prezos que ofrece diariamente o Ministerio de Economía revela, ademais, que das 20 estacións máis baratas que hai en España ningunha se atopa nesta comunidade. Tamén dá conta de outra realidade: que a existencia dun hipermercado con gasolinera fai que o resto de estacións de servizo desa zona baixen os seus prezos. Isto é o que acontece, por exemplo, en Ribadeo, Ferrol e Lalín, onde a oferta de Alcampo e de Eroski empurra á competencia a reducir os seus valores de venda. Por iso, estacións de servizo destas localidades encabezan os listados provinciais de gasolinas máis baratas. Pero estes exemplos, lonxe de ser frecuentes, constitúen excepcións isoladas: Cepsa e Repsol controlan nesta comunidade máis do 70% da tarta do mercado e o ritmo de solicitudes de apertura de gasolinas en hipermercados é demasiado baixo como para que, a curto prazo, poda variar o escenario de prezos ao consumidor. No 96% das estacións de servizo da comunidade vendense os carburantes con unha diferenza de só un céntimo de euro.

Fonte www.lavozdegalicia.es